



# PRONI mjesečni bilten

OKTOBAR 2009

PREPORUČUJEMO

## KAMPANJA

“Vratite mladima Omladinski centar!!!”



## SADRŽAJ:

KAMPANJA : 1  
“Vratite mladima Omladinski centar!!!”

“Tamna strana djetinjstva” 2

PRONI aktivisti za ljudska prava 2

Druženje sa volonterima!!! 2

“Svi smo rođeni sa jednakim pravima poštujte ih!!!” 3

“Omladinska politika i zapošljavanje mladih u Jugoslaviji” 3

O PRONI-u 4

## KAMPANJA:

### “Vratite mladima Omladinski centar!!!”

PRONI Centar za omladinski razvoj Brčko distrikta BiH u saradnji sa lokalnim nevladinim omladinskim organizacijama: Vermontom, Izvorom, Amicom, Asocijacijom mladih BiH i Kultom, te Helsinškim parlamentom građana iz Tuzle, a sve pod pokroviteljstvom Holandske Ambasade u Sarajevu organizovao je kampanju pod nazivom “Vratite mladima Omladinski centar” u Brčkom. Kampanja je organizovana u sklopu projekta „You(th) are hope for B&H 2009“, u sklopu koje se organizuju kampanje i u Bijeljini, Tuzli, Doboju. Kampanja u Brčkom organizovana je 30. oktobra 2009. godine sa ciljem da

podigne svijesti mladih i građana Brčko distrikta BiH o problemu korištenja Omladinskog centra, sa kojim se mladi u Brčkom susreću.

U sklopu kampanje organizovana je:

- konferencija za medije

- dijeljenje promotivnog materijala (postera, majica, naljepnica, brošura) na Trgu mladih, u srednjim školama i na fakultetu

- skupljanje potpisa u smislu sugestija, preporuka i peticije

Volonteri i aktivisti navedenih omladinskih organizacija iz Brčkog su sakupili 214 potpisa mladih i građana Brčko distrikta za podršku

kampanji.

Rezultati ove kampanje biće upućeni Gradonačelniku u Vladi Brčko distrikta, nebili se ovaj problem riješio i mladi konačno mogli svoje slobodno vrijeme korisno potrošiti u aktivnostima koje će pomoći njihov individualni razvoj i razvoj zajednice, kao i socijalizaciju sa vršnjacima u Omladinskom centru u Brčkom, koji bi trebalo da je njima i namijenjen. Na šta su aktivisti navedenih organizacija i skrenuli pažnju tokom konferencije za novinare, jer procedura za dobijanje prostora nakon 16 časova je veoma komplikovana.

## Aktivnosti omladinskog rada!

Omladinski radnici PRONI-a su dobili odobrenje od Odjela za obrazovanje u Vladi Brčko distrikta da mogu u svim osnovnim i srednjim školama u Brčkom da rade treninge na temu ljudskih prava sa Učeničkim vijećima. JU Gimnazija je već PRONI-u dostavila spisak članova učeničkih vijeća. JU Ekonomska škola je pozvala omladinskog radnika PRONI-a da prisustvuje sastanku učeničkih vijeća i izboru učenika koji će prisustvovati treninzima, dok će u ostalim srednjim školama tek biti organizovani sastanci

početkom novembra.

### OKORUZ

Omladinski radnici PRONI Centra za omladinski razvoj, tokom mjeseca oktobra odradili su procjenu kvalitete rada („OKORUZ“) u 14 omladinskih klubova u mjesnim zajednicama. Projekat je podržan od Vlade Brčko distrikta i sprovodi se u saradnji sa volonterima i predsjednicima MZ.

### FOKUS GRUPE

Centar za sigurnosne studije iz Sarajeva je u saradnji sa

PRONI-em organizovao sastanak sa tri fokus grupe u Brčkom na temu: „Mladi i upotreba lakog naoružanja“.

U prvoj fokus grupi su učestvovali zaposleni u institucijama Brčko distrikta, u drugoj mladi iz Brčkog i u trećoj roditelji i mladi preko 20 godina. Sve tri fokus grupe su uspješno odrađene i koordinatori projekta su zadovoljni rezultatima i odazivom ciljnih grupa.

## “Tamna strana djetinjstva”

Film “Tamna strana djetinjstva” volontera PRONI Centra za omladinski razvoj Damira Pervanovića ušao je u uži izbor, među deset najboljih filmova, na film festivalu OFF u Bihaću. Film je amaterski - kratkometražni, rađen namjenski za film festival OFF, urađen sa ciljem da razbije tabue i malo više podstakne na razmišljanje o problemima i kršenjima ljudskih prava koja se ne događaju “tamo negdje”, nego u svijetu oko nas.

Svih deset filmova, koji su ušli u najuži izbor biti će prikazani od 06. – 10. novembra 2009. godine na OFF festivalu u Bihaću. Mladi ljudi iz Brčkog, njih troje, koji su učestvovali u snimanju ovog filma, otići će, zajedno sa omladinskim radnikom PRONI Centra za omladinski razvoj na festival u Bihać, da bi prisustvovali premijeri filmova. Učesnici festivala će, pored promocije filmova, učestvovati u diskusiji na temu “Mladi i njihov doprinos izgradnji

budućnosti Bosne i Hercegovine”, okruglom stolu Regionalnog vijeća za saradnju, filmskim radionicama, radu u grupama i ceremoniji proglašenja pobjednika.

Nakon završetka OFF festivala film će biti prikazan premijerno i u Brčkom.

Pored ovog filma, film učenika iz Tehničke škole iz Brčkog, takodje je ušao u uži izbor filmova na OFF festivalu.



**OFF festival u  
Bihaću**

**Volonter  
PRONI-a sa  
filmom  
učestvuje na  
OFF festivalu**

**Volontersko  
druženje !!!**



## PRONI Aktivisti za ljudska prava

PRONI Centar za omladinski razvoj Brčko distrikta BiH je u oktobru objavio poziv za primanje mladih aktivista za ljudska prava. Cilj ovog projekta je: Da dobijemo tim aktivista za ljudska prava koji će raditi na

promociji ljudskih prava sa posebnim akcentom na mlade. Zadatak mladih aktivista će biti da rade konkretne akcije na temu ljudskih prava! Aktivisti će u novembru 2009. imati trenersku obuku iz sledećih

oblasti:

**Ljudska prava**

**Grupni i timski rad**

**Komunikacija**

**Menadžement vođenja**

**projekta i akcije**

Nakon obuke mladi postaju dio tima aktivista sa kojima kreću u akciju!

## Nastavlja se PRONI-evo druženje sa volonterima!

Tokom oktobra mjeseca nastavljeno je sa organizovanjem PRONI druženja sa volonterima. Naime, volonteri PRONI-a su ovaj put bili organizatori karaoke partya pod nazivom

„**KARAOKAJ SA NAMA**“.

Oko deset volontera PRONI-a je učestvovalo u ovoj zabavi, gdje su isprobali svoje glasovne i muzičke talente.

Održavani su i redovni sastanci sa volonterima, na kojima se dogovaraju volonterske aktivnosti i mogućnosti, te učešće volontera u PRONI-evom svakodnevnom radu.

## “Svi smo rođeni sa istim pravima, poštujemo ih!!”

Učesnici projekta „**Svi smo rođeni sa jednakim pravima, poštujemo ih!!!**“ u Bijeljini, koji je **podržan od strane Opštine Bijeljina**, počeli su rad na svojim projektima.

Volonteri PRONI-a, vode projekata, zajedno sa mladima iz Bijeljine, učesnicima radionica, uveliko pripremaju materijal kojim će promovirati svoj rad na Festivalu dječijih prava u Bijeljini.

Slijede informacija o projektima:

„**Zabavom do znanja**“ su radionice sa mladim Romima koje volonteri PRONI-a održavaju subotom i nedjeljom u organizaciji OTAHARIN i okupljaju oko 20 Roma uzrasta od 4-10 godina. Do sada su grupu upoznali sa dječijim pravima i radili kreativne radionice na temu dječijih prava i to: sigurnost i porodica. U okviru tih prava djeca su crtala crteže i pravila

poklone za mame i tate. Djeca su na početku bila stidljiva, ali kako vrijeme prolazi sve su slobodniji i aktivniji. Uveliko se pripremaju za festival i skupljaju dječije radove. Volonterke PRONI-a su počele učiti romski jezik i planiraju do kraja projekta napisati sastav na srpskom jeziku koji će prevesti na romski jezik.

Dramska radionica pod nazivom „**Škola glume**“ okuplja mlade od 15-19 godina i broje 7 članova. Do sada su odradili samo jednu radionicu i pripreme za naredni period. Učesnici ovog projekta su veoma aktivni i na narednoj radionici će se odlučiti za komad koji će izvesti na Festivalu dječijih prava, koji je dio cjelokupnog projekta.

Grupa mladih aktivista koja se bori za otvaranje „**Info centra**“ u Bijeljini, uveliko radi na pripremama

kampanje za anketiranje građana i potpisivanje peticije. Sastaju se po dva puta sedmično i rade na pripremama za istraživanje o zainteresovanosti mladih u Bijeljini za otvaranje Info centra, koje će iskoristiti za podnošenje projekta Načelniku opštine Bijeljina, odnosno, ideje za koju im treba podrška Opštine Bijeljina da bi bila realizovana do kraja.

Sve aktivnosti će biti odradene u rok, tj. do Festivala dječijih prava.



**Mladi u  
Bijeljini  
spremaju se  
za festival  
dječijih  
prava!!**



### “Omladinska politika i zapošljavanje mladih u Jugoistočnoj Evropi”

Generalni Menadžer PRONI Centra učestvovao je na seminaru na temu "Omladinska politika i zapošljavanje mladih u Jugoistočnoj Evropi" koji je organizovan u gradu Brdo, Slovenija u periodu od 21.10. do 24.10.2009. godine.

Učesnici ovog seminara su bili iz sljedećih država: Albanije, Bosne i

Hercegovine, Bugarske, Hrvatske, Grčke, Crne Gore, Rumunije, Srbije, Slovenije i Kosova. Na seminaru su bili i predstavnici Evropskog Omladinskog Foruma (EYF), te predstavnici SALTA (Jugoistočno-evropskog resursnog centra), kao i predstavnici Savjeta Evrope-direktorata za Sport i Omladinu.

Cilj ovog okupljanja

jeste donošenje strategija za razvoj omladinskih politika i strategija za zapošljavanje mladih u zemljama Jugoistočne Evrope.



**Omladinska  
politika i  
zapošljavanje  
mladih !!!**



## **PRONI Centar za omladinski razvoj Brčko distrikt BiH**

Ul. Bosne Srebrene br.16

76100 Brčko

Tel: +387 49 233 940

Tel/Fax: +387 49 217 695

E-mail: pronibrco@teol.net

Web: www.pronibrcko.ba

## **PRONI Bijeljina**

Ul. Ivana Gorana Kovačića br.5

tel/fax: +387 55 213 046

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004. godine.

Naša vizija: PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.



# Nešto više o PRONI-u

## **Omladinski rad**

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama.

## **Volonterizam**

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

## **Mreža omladinskih klubova**

U saradnji sa Vladom i 26 MZ Brčko distrikta BiH PRONI podržava rad Omladinskih klubova kroz program "Mreža omladinskih klubova". Kroz ovaj program PRONI je obučio 52 volontera za rad sa mladima u omladinskim klubovima, tokom 2007 i 2008. godine. PRONI je vršio monitoring i procjenu rada ovih klubova, dok je Vlada Brčko distrikta finansijski podržala ovaj projekat.

## **Omladinska politika**



Fotografija sa PRONI festivala

PRONI se već duže vrijeme bavi razvojem omladinske politike za Brčko district u saradnji sa drugim omladinskim organizacijama, te razvojem i promocijom omladinske politike u Bijeljini.

## **Baza trenera**

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješavanje konflikata i timski rad.

## **Skupština i upravni odbor**

PRONI kontinuirano radi na obrazovanju članova svog Upravnog odbora i razvoju njihovih vještina rukovođenja, kako bi što više doprinijeli razvoju organizacije.

Upravni odbor broji 7 članova različitih profila, a PRONI Skupština ima 30 članova među kojima su i volonteri i mladi iz klubova.